

Èssiri bilinguis...

...bolit nai a isciri umperai duas o prus lùnguas cun regularidadi, in totus is cuntestus de sa vida de dònna d'.

Is vantàgius de su bilinguismu balint po calichisiat lùgua, e duncas non feti po cussas prus connotas (inglesu, francesu, tedescu, ispanniolu...) ma fin-tzas e po is lùnguas de minoria comenti a su sardu.

In Sardìnnia teneus una possibidadi in prus po crèsciri is pipius cun duas lùnguas.



Su bilinguismu: poita...

In dì de oi, funt sèmpiri prus pagus is babbus e is mammas chi detzidint de fueddai in sardu cun is pipius, tirendindeddis sa possibilidadi de connòsciri un'atra lèngua e de tènniri unu muntoni de vantàgius chi medas istùdius europeus a pitzus de is pipius bilinguis sighint a cunfrimai. Cali funt?



- ▶ Is pipius imparant calichisiat lèngua sentza de peruna dificutadi, aici comententi imparant a caminai.

▶ Est meda prus fàcili e naturali a imparai is lènguas a piticus che a ddas dèpiri istudiai a mannus.



▶ Po unu pipiu pesau cun duas lènguas est prus fàcili a imparai àteras lènguas poita ca at giai isvilupau una sensibilidadi po istruturas gramaticalis diversas.



▶ Crèsciri fueddendi duas lènguas apreatat s'intelligèntzia poita su bilinguismu archedit un'isfortzu e una flessibilidadi in prus. Po cussu is pipius bilinguis funt prus abistus e imparant prus in pressi a lìgiri e a iscriri.



- ▶ Unu pipiu bilingui tenit prus cus-sièntzia de realidadi e culturas diversas, est abertu a is diferèntzias culturalis, est preparau a essi unu tzitadinu de su mundu in d-unu mundu chi est sèmpiri prus piticu.

- ▶ Imparai una lèngua non bolit nàrriri feti a istudiai sa gramàtica: bolit nàrriri a tènniri un'istumentu po intrai in unu mundu de ideas, personas, oportunitadadi chi podint serbiri fintzas e po agatai trebballu.



- ▶ Non est mai tropu chitzi po cumenzai cun su bilinguismu e mancu tropu trigadiu. Chi tenit unu pipiu piticu, sa mellus cosa est a cumenzai illuegus. Is pipius bilinguis scint pratziri is duas lènguas giai de is primus cidas de vida.



- ▶ Su primu passu po unu bilinguismu arrennèsciu est a lassai stai is timorias e is pregiudìtzias sotzialis, prus che totu a pitzus de is "lènguas de minoria".



...e comententi

Su pipiu depit intèndiri is duas lènguas fueddadas in domu giai de candu nascit.



Est importanti a fueddai sa lèngua in dònna cuntestu de sa vida (non feti po certai o po brullai), po fai cumprèndiri a su pipiu ca cussa lèngua est istimada e ùtili.

Podit èssiri de profetu a intèndiri sèmpiri una lèngua de su babbu e s'atra de sa mamma (es. mamma in sardu e babbu in italianu).

Tocat chi su pipiu tèngiat sa possibilidadi non feti de fueddai sa lèngua, ma de ligiri libburus, fai giogus, castiai e ascurtai programas de sa televisioni e cartonis animaus in sardu.

Prus che totu, importat sa voluntadi forti de sa famiglia, de s'iscola, de is aministratoris po donai valori a sa lèngua.

Po ndi sciri de prus a pitzus de su bilinguismu:

- ▶ www.bilingualism-matters.org.uk
 - ▶ www.bilinguismoregionale.hostoi.com
 - ▶ www.enfantsbilingues.com
 - ▶ www.bilinguepergioco.com
 - ▶ www.ec.europa.eu/languages/index_it.htm
- Po imparai su sardu gioghendi:
- ▶ www.dischente.or.it/padente/subuscu.html
 - ▶ www.toponinu.it
 - ▶ www.sardegnacultura.it/cds/cd4/index.html